




Պ Ա Շ Տ Օ Ն Ա Կ Ա Ն

ԿԱԹՈՒՂԻԿՈՍԱԿԱՆ ԱՄԵՆԱՊԱՏԻԻ Տ. ՏԵՂԱԿԱԼԻ
ՏՆՕՐԷՆՈՒԹԻՒՆՆԵՐԸ.

Հոկտեմբեր 6. թ. 1965. Առաջագրութեամբ թոյլ տրուեց Ղարաբաղի Հայոց կոնսիստորիայի նախագահող Տ. Զաւէն վարդապետին պ. Առաքել Առաքելեանցին կարգել թեմի ծխ. դպրոցների համար տեսչի ժամանակաւոր պաշտօնակատար տաճիկան 1000 ռուբլի ռոճկով:

Հոկտմ. 8. թ. 1967. Առաջագրուեց Սինօդին Տ. Եղիշէ վարդապետ Ահարօնեանին կարգել Նուխույ վիճակի փոխանորդ, որպիսի պաշտօնը կատարել էր առաջ ևս: Կարճել նրա միաբանական ռոճիկը, տալ ճանապարհածախը վիճակային արդիւնքից և սահմանել նրան փոխանորդի ռոճիկ:

Հոկտմ. 8. թ. 1968. Առաջագրուեց Սինօդին կարճել Տ. Բենիկ վարդապետի միաբանական ռոճիկը հոկտեմբերի 1-ից, որովհետև նա արդէն կարգուած է թիֆ-

լիզի գիմնադրիաներից մէկում ուսուցիչ և այնտեղ ռոճիկ է ստանում:

Հոկտմ. 10. թ. 1969. Առաջագրուեց Սինօգին ուղարկել Կ. Պօլսոյ Հայոց Պատրիարքարանին մի հարիւր ռուբլի Կիլիկիայի Որբախնամ Կենդրոնական Յանձնաժողովին յանձնելու, որպէս Մայր Աթոռի միանուագ նպաստ:

Հոկտմ. 10. թ. 1972. Առաջագրութեամբ թոյլ տրուեց Աստրախանի առաջնորդ Տ. Մխիթար եպիսկոպոսին Սօչիում կրկին երկու սեռի դպրոց բանալու:

Հոկտմ. 10. թթ. 1978—75. Առաջագրուեց Մայր Աթոռի մատենադարանապետ Տէր Մեսրոպ եպիսկոպոսին, Երևանի Փօխ-Թեմակալ Տ. Խորէն եպիսկոպոսին, Տփլիսի և Ղարաբաղի Հայոց կոնսիստորիաների նախագահօղներին կարգադրել իրանց իրաւասութեան շրջանում աջակցութիւն ցոյց տալ տայնի սովետնիկ Պրախովին վանքերում ու եկեղեցիներում եղած գեղարուեստական հին և նոր արտադրութիւնները ուսումնասիրելու:

Հոկտմ. 13. թ. 1979. Առաջագրուեց ձեմարանի վարչութեանը, ձեմարանում երգեցիկ խումբ կազմելու և եկեղեցում կիւրակէ և տօն օրերին խմբական երգեցողութիւնը ճաճարում ղեկավարելու համար տալ Ռուբէն Աբեղային տարեկան երկու հարիւր ռուբլի:

Հոկտմ. 13. թ. 1980. Առաջագրութեամբ յանձնուեց Սինօգի հայրապետական գիւնում եղած այն թղթերի պատճէնները, որոնցով շուշեցի հանգ. Իսահակ Թադէոսեանի ժառանգները հանգուցեալի յիշատակին խոստացել էին հանգ. Հայրապետին 5000 ռ. կրթական գործի համար:

Հոկտմ. 14. թ. 1985. Թուղթ կոյս Հռիփսիմէ Թաշիրեանցին, որով նա Թիֆլիզի կուսանաց Ս. Ստեփաննոս անապատի իրաւասունների ընտրութեան և Թիֆլիզի Թեմի ժամանակաւոր կառավարիչ Տ. Եփրեմ եպիսկոպոսի ա-

առաջարկութեան համեմատ հաստատուեց նոյն անապատի մայրապետ:

Հօկտմ. 14. թ. 1987. Առաջարկութեամբ Հնդկաստանի և Պարսկաստանի Հայոց առաջնորդ Տ. Սահակ Արքեպիսկոպոսին թոյլ տրուեց գնալ Հնդկաստան Դելի քաղաքը Հնդկահայերի կողմից ներկայ լինելու Անգլիոյ թագաւորի Հնդկաստանի կայսր թագադրելու ժամանակ:

Հօկտմ. 15. թ. 1990. Յանձնելով Սինօդին ներքին Գործոց Նախարարի դրութեան պատճէնը՝ առաջարկուեց նոյն դրութեան համեմատ շրջաբերականով պատուիրել Ռուսաստանի բոլոր հայ առաջնորդներին կարգադրել, ի նպաստ պատերազմում՝ վտանգուած զինուորների ընտանիքների եկեղեցիներում՝ գանձանակ շրջեցնել:

Հօկտմ. 15. թ. 1991. Կտուց անապատի միաբանութեան անունով վշտակցութեան և մխիթարանքի թուղթ, նոյն անապատի վանահայր Ստեփան եպիսկոպոս Աղաղաղեանի վախճանի առիթով:

Հօկտմ. 15. թ. 1993. Առաջարկուեց Ալէքսանդրօպօլի փոխանորդին յայտնելու պ. երուանդ Տ. Մինասեանին, թէ կաթողիկոսական Տեղակալի իրաւասութիւնից դուրս է միջամտել Կ. Պօլսոյ Հայոց կենդրոնական վարչութեան կարգադրութիւններին, ի մասնաւորի, այն կարգադրութեանը, որով բեկուած է յիշեալ երուանդ Տէր Մինասեանի կաթողիկոսական ընտրութեան պատգամաւոր ընտրուելը:

Հօկտմ. 16. թ. 1997. Առաջարկութեամբ յայտնուեց Բեսսարաբիայի և Նոր-Նախիջևանի Հայոց առաջնորդ Տ. Ներսէս արքեպիսկոպոսին, թէ 1907 թ. յունվարի 11-ին Ծխական Կանոնադրութիւնը քանի որ զօրութեան մէջ է, պարտաւորական է:

Հօկտմ. 18. թ. 2000. Յայտնուեց Կ. Պօլսոյ Հայոց պատրիարքական Տեղապահին թէ, Կիւմշեան կտակի հաշուին 22 իրաւ 88 չէկը ստացուել և յանձնուել է Սինօդին:

Հոկտմ. 20. թ. 2003. Առաջագրութեամբ Հայրապետական ընտրութեան պատգամաւորներին ընդունելու և հիւրասիրելու համար կազմուեց յանձնաժողով որի նախագահն է Սինօգի անդամ Տ. Բարդէն վարդապետ, անդամներն են Վանական Կառավարութեան նախագահ Տ. Ներսէս վարդապետ Մելիք—Թանգեան, Տպարանի վարչութեան անդամ Տ. Աբէլ Աբեղայ, որոնց պէտք է գործակցեն Ճեմարանի տեսուչ Տ. Բաղրատ վարդապետ և Մայր Աթոռոյս հիւրընկալ Տ. Սիօն վարդապետ:

Հոկտմ. 20. թ. 2004. Առաջագրուեց Սինօգին պատիրել դանձապահին տալ կաթուղիկոտական ընտրութեան պատգամաւորների ընդունելութեան Յանձնաժողովին ծախքի համար հարկաւոր գումարը:

Հոկտմ. 31. թ. 2030. Յայտնուեց Կ. Պօլսոյ հայոց պատրիարքական Տեղապահին, թէ Ճեմարանում կընդունուեն այն պատանեակները որոնք ծրագրի համեմատ պատրաստ կը լինեն և հասակով էլ համապատասխան. նաև ուղարկուեց Կ. դասարանի ծրագրի մի օրինակ:

ՔԱՂՈՒԱՆ ՍԻՆՕԴԻ ՕՐԱԴԻՐՆԵՐԻՑ

Հոկտեմբեր 3. թ. 667. Սինօգը որոշեց հրաւիրել այս հոկտեմբերի 1-ից երգուեալ հաւատարմատարի օգնական պ. Աղէքսանդր Յարութիւնեան Պարոնեանցին վարելու Մայր Աթոռի դատական գործերը, Պ. Պարոնեանը պարտաւոր է պաշտպանել Երեանի Նահանգական Դատարանում և Տիֆլիսի Դատաստանական պալատում Սինօգի, Երեանի Կոնսիստօրիայի և Երեանի թեմի վանքերի կալուածական և բոլոր այլ դատական գործերը:

Հոկտեմբեր 10. թ. 680. Սինօգը լսեց Ղարաբաղի Կոնսիստօրիայի 1910 թ. Սեպտեմբերի 22-ի № 3004 յայ-